

Bernwalder kan ouch, wy recht ist, erweisen, das er sulchin kucks, so lange er sich berumet, in geruglichen gewehren und bergloufftigem weissen ane rechte ansprache erhalten habe, so ist er sulcher clage von Pletener billich enprochen und ym forder antwert dorumbe, ouch erweisung des hinderstelligen geldis zu thun, so er sich der houbtsache entlediget, nicht vorpflichtit.

90. (Lewterunge.)

5

fol. 39 (122).

Nochdem Hans Thyme von Aldenburg eyner lewterunge unsers nechst gescheen spruchs zewischin Frantzen Stocker und ym eyns kucks halben in der Ritterzceche^{a)} begert, der meynunge, nochdem ym der geczewg Andres Eichlers gantcz zufalle und, ap ym der ander geczewg nicht hulfflich were, ydoch so wurde das durch sinen gesaczten brieff gesterket und, als er hofft, ym rechten neben dem andern geczewge krefftig erkand, erbewtet sich ouch sulchin geczewg mit sinem eide zu 10 sterken, setzct ym zu hulffe das alde schichtbuch, mit langem ynhalde ꝛ. Dorkegen setzct Francz Stocker undir faste schrifften, der meynunge, er halde sich des forigen unsers rechtspruchs ꝛ.

H. spr. w. n. b. in lewterungeweisse v. r. als vor, das sulche geczewg Andres Eichlers und Thumpronners zu beweissen, das der benante kucks Hans Thymen sien solt, nicht gnugsam ist, er mag den ouch als eyn cleger ym selbs zu gute mit sinem eide ouch mit dem alden schichtbuche, 15 nochdem er das in siner anclage nicht mith angezogen had, nicht gesterken, sundern had er des von Stocker eniche volstendige brieffe, der verteilen wir ym nicht.

91. (Claget umbe gelt der ufsteillunge halbe und nicht umb teil der bergwerck.)

1479 Juli 6.

fol. 39 (122^b).

Umser fruntlichen dinste —. Nochdem ir uns rechtsetze Hannsem Passecken und Hansen Federangel belangend zugeschickt umd dorober zcu sprechen geschreiben habt ꝛ. So danne^{a)} Hans 20 Passeck sein ander gericht claget zu Hanßen Federangel, wy ym von ettlichen teilen, dy er von Federangel vor funff addir sechs jaren gekoufft had und sich der gein enander widder vorbewtet haben, von Federangel als eynem schichtmeister zu der zzeit ettliche ufsteilunge wurden sey und ydoch nicht als volkomlich als eym andern und erfunde sich in ussagen der bergweissen, das ym an sulchem ufsteilen ettlichs merclichs abebruchs durch Federangel gescheen sey, hofft und stellet zum 25 rechten, das ym Federangel in sulcher hinderstelligen ufsteilunge, dy ym vorborgen gewest ist, eyn redeliche rechnunge und ufbrichtunge gescheen sulle, mit forderm ynhalde ꝛ. Dorkegen setzct Hans Federangel, nochdem Passeck in siner gesaczten schult vorgibt, das sulch thun vor funff addir sechs jaren sich begeben habe, so sey offnbar, das sy beide ynheymisch und inlendisch gewest sind, und Passeck habe yn derhalben nicht angelanget, wy sichs noch bergrecht geburt, 30 und dorubir ufsteilunge genomen und habe yn dorumbe in jare und tage, abir in jare und tage und abir in jar und tage mit rechter forderunge nicht angelanget, als sichs noch bergrecht geburet. Dorumbe hoffte er, er sey ym zu sulcher schult antwert nicht pflichtig, mit fordern vil reden und kegenreden ꝛ.

H. spr. w. n. b. v. r. Nochdem sulche schuld Hanßen Passecken gelt ettlicher ufsteilunge 35 halben und nicht teil der bergwerge belanget, so mag sich Passeck des bynnen sulchir zzeit durch recht nicht verswigen haben, und Hans Federangel mag sich des sines gesaczten vornemens halben antwert nicht geschutzen, sundern thud ym dy billich. Vorsigilth^{b)} mit unnsere stadts secrett am dinstage noch visitacionis Marie virginis gloriosissime anno domini ꝛ. LXXIX^o.

Burgermeister und rathmannen zcu Friebergk.

40

90. a) *Urtel 80.*

91. *Gleichzeitige Abschrift Gem. Arch. Weimar Reg. T fol. 32 No. 1. 1^b3. Danach ist Anfang und Schluß ergänzt worden. Vergl. Urtel 97. — a) Unnsere — danne Abschr. Nochdem A. b) Vorsigilth bis Schluß fehlt AB.*